



504

B135





5021 W
B 135

DECAS

June 51.

Epigrammatum Sacrorum,

DE

Salutari Adventu, Nativitate, Circumcisione, &
Sacro Nomine, Domini nostri

IESV CHRISTI,

Devota mente conceptorum:

AC

In novi anni felix auspiciū,

Loco Strenæ.



LVGDVNI BATAVORVM,

Anno 1632, XXI Ianuar.

40



Nobilissimis, Amplissimis ac Consultissimis
VIRIS.

D. D. Prætori Delphensi, Consulib. Scabinis, totiq; in-
clytæ Reip. Delphensis Senatui gravissimo.

NOMINATIM VERO,

D.

D.

D.

D.

Celeberrima Reip. Del-
phensis Consulibus
Prudentissimis, studio-
rum ac studiosorum
Mæcenatibus optimis.

UT ET

D. IOANNI CAMERLIN. I. V. D. ac Florentissimæ Reip.
Delphensis Syndico Spectatissimo, DNO. & Fautori
meo honorando.

NEC NON

Pietate, Eruditione, ac Humanitate præstantibus

JUVENIBVS.

D. CORNELIO CAMERLIN, Candidato Iuris.

D. ANTONIO BIESE Candidato Iuris.

Amicis meis fratrum loco colendis.

Hoc exile literarium munus, in symbolum gratitudinis
& observantiæ

Dicat ac consecrat

STEPHANVS BORNEMISSA Vngarus.

S. Th. & Med. stud.





STRENA
ONOMASTICA.

S Trena tibi sanctum prognati nomen Iesu
Sit, qui oculis releges carmina nostra tuis.
Solamen tibi sit Iesus, gratumque levamen;
Per Iesumque tibi, sit simul una salus.

EURIPHALLICON
-DE-
ADVENTV IESVLI.

E Cælo veniens pulcherrima Summi-To-
nantis
En gratum æternæ mortalibus integritatis
Fert donum, Soboles: inimicos exsuperare
Vis Stygis? æternas adipisci cœlicolarum
Vis sedes? colito Deitatem carnigerentem,
Et vinces Stygiis horroribus Induperantem.

A 2 ONO-



ONOMASTICO- EVCHARISTICON.

I-esse-idi Sacro-Sancta pi- I jam nomina Christ- I
E-ja agite o merita c- E-lebremus laudis honor- E.
S-iderea nam vi Ies- S-aus - plenus - Iesu- S,
V-icit salvifico Infern- V-m olim corporis ort- V,
S-ceptraque Tartarei Duci- S-insidiosa refringen- S,
S-qualida - - commissi - S-celeris peccamina solu- S,
A-bluit, absolvit merit- A & nos sanguine paen- A.
L-audibus ergo ejus ce- L-ebretur nomen in Israe- L;
V-nica namque salus c- V-netis in nomine Ies- V
A-llata est : Sathan- Ae scelerata potentia ademi- A,
T-artarei & Crucia- T-us justis nunc procul absun- T.
O benedicta Dei Sob- O-les ! o vita & orig- O!
R-obore jam nobis o- R-tus reserabitur athe- R
Mortis itemque tua, vita- M & carpemus amena- M.
V-nus es ipse Deo nat- V-s, dulcissime Ies- V,
N-omen in Orbe tuum Cu- N-etis sit suave levame- N
D-a, referant ut huic D-a debita vota nec illu- D
I-lludant Gentes, qu- I-n laudent mente fidel- I.

EPI-

EPIGRAMMA

In nascentem JESULUM.

Iesule, chara Dei Soboles, descendere Olympo,
 In faciem terræ, te quis adegit? amor.
 Iesule, te fragiles assumere corporis artus,
 Virginis ex utero, quisvè coëgit? amor.
 Iesule, cum Rex sis, regales spernere cunas
 Pro præsepi humili, quis tibi suasit? amor.
 Iesule cum mortis victor sis, terror & Orci,
 Currere in Ægyptum, te quis adegit? amor.
 Grande mihi narras divini robur amoris,
 Quo genus humanum, Iesule amando beas:
 Iesule, quæ tanti in homines tibi causa favoris?
 An pietas hominum? non: bonitas Superûm.
 Quantus amor regnat Jessæi in pectore Christi.
 Quanto complexu perfruimurque Dei.

In Natum JESULUM.

Quem lucis non urget amor? cûi lumina Lunæ,
 Cûi nitidæ stellæ, non in amore forent?
 Quis Solis non lumen amat, cum cœlitûs umbra
 Pellitur, atque decens rebus imago venit?
 Quis nati Iesu suavi non flagret amore,
 Lumine qui superat sidera amœna poli?
 Titan & Jesus, nobis dat uterque salutem,
 Nosque inopes neuter luminis esse sinit.

A 3

Hic

*Hic lumen fidei, radios jacet ille salubres;
Mentibus hic cibus est: corporis ille salus.*

In θεῶν ἄνωγον · I E S V L V M.

INdignus licet ipse tuus sim, *Iesule*, servus,
Sit mihi fas Dominum pauca rogare meum;
Quomodo, si *Deus* es, fragili de sanguine cretus?
Quomodo, si es *Genitor*, Virgine matre fatus?
Quomodo, si *Puer* es, terram, mare, & astra creasti?
Quomodo, si *Aeternus*, tempore factus *Homo* es?
Quomodo, si aërias plumis tegis ipse volucres,
Quomodo, te nudum frigida adurit hyems?
Quomodo, si Divûm es *Stirps*, circûscinderis artus?
Quomodo, si *Legis lator* es, hanc subis?
Quomodo, si es *lenis*, sternis terrore *Draconem*?
Quomodo, si *Fortis*, mitis ut agnus obis?
Scilicet es verus *Deus*, ac *Homo*, *Jesule*, verus;
Inde Dei atque hominis munera vera geris.

In formosum I E S V L V M.

CHriste tuam in sacris Tabulis dùm cerno fi-
guram,
Nobile dùm speculor corporis atque decus;
Mentis

Mentis ibi utque oculis faciem contemplor amœ-
nam,

Dùm frontem, os, cerno, talia metra cano:
Sunt pulchræ sylvæ, sunt pulchra & littora, pulchrũ
Est pratum, in viridi gramina pulchra solo:
Sunt pulchræ gemmæ, sunt lucida sydera pulchra,
Sunt pulchri flores, est quoque pulchra dies:
Angelus est pulcher, pulchra est pia Virgo Maria.
Pulchrior est *Christus*, Virgine, & Aligero:
Pulchrior est *Iesus*, sylvis, & littore, prato,
Gramine, gemmâ, astris, flore, dieque simul.

In circumcislam I E S V L V M.

Agne Dei, teneros qui circumcislam es artus,
Si *Rex* es, cur non limina regis habes?
Si te regna timent, cur non te sceptrâ venustant?
Cur non mēbra thronus Sardonychatus habet?
Si Deus es, stabuli cur duro in stramine cumbis?
Cur non te Angelicus cœtus in axe tenet?
Sic ego: sed contra mihi *Christus*, limina regis,
Sceptrâ, thronum, cœlũ, tegmen, ademit amor
O prægrandis amor! locuples ô gratia *Christi*!
Quâ sine nulli hominum janua ad astra patet.

THE O-

THEOPOEMA
DE
Virtuoso JESULO.

HEus homo! Virgineo de femine natus Iesus,
An non est Numen, vel sine labe Caro?
An non est requies? auxiliumque polo?
An non est Fatum fontibus, atque metus?
An non est justis, gratia? vita? salus?
An non est animæ spes? medicina? cibus?
O quot virtutes latitant in corpore parvo!

EPIGRAMMA
DE
Archangelo ad MARIAM ablegato.

Angelus ad Mariam legatur ab æthere Princeps
Pandat ut æterni nuntia læta *Patris*;
Siccine: sola tuo placuisti fœmina Christo,
Sola salutiferum es gignere digna *Ducem*:
Miraris quisquam, tantum legasse *Ministrum*
Virginis ad sanctæ limina forte Deum?
Ne mirêre viros legatio se ligit orbis,
Eligere Aligerum sic sacra *Fama* potest.

F I N I S.

